

Naligiissitaanermut Assigiinngisitaanermullu politikki

Aallaqqaasiut

Naligiissitaaneq assigiinngisitaanermu suliffeqarfitsinni atugarissaarnissamut, ineriartornissamut pitsaassutsimullu tunngaviupput Royal Arctic Linellu inuiaqatigiinni akisussaassuseqarnerani qitiusumik ilaatinneqarlutik.

Royal Arctic Line suliffeqarfiussaaq sulisut tamarmik assigiinnik periarfissaqartitaallutik ataqqinnittumik ataqqinnissusilimillu pineqarfisaaq – suaassuseq, ukioqqortussuseq, inuianni pinngorfik, upperisaaq, kinguaassiuutitigut sammivik, kingoqqiffik, innarluuteqarneq (ersittumik imaluunniit ersinngitsumik), tarnikkut allaanerusumik pissuseqarneq, politikikkut isiginnittaaseq, ilaqutariittut inuuneq, inooqataanikkut tunuliaqutaarneq imaluunniit inuunermi killiffigisaq apeqqutaatinnagit.

Siunertaq

Politikkip siunertaraa suliffeqarfimmik assigiinngisitaarfiusumik, peqataatitsisumik naapertuilluartumillu siuarsaanisaaq, sulisut qanoq tunuliaqutaqarnertik apeqqutaatinnagu assigiinnik periarfissaqartitaaffigisaannik.

Politikki:

- naligiimmik pinninnissamik aamma naligiimmik pisinnaatitaaffeqarnissamik qulakkeerinnisaaq,
- assigiinngisitsinermik, nakuusernermik, pimmatiginninnermik nakkarsaanermillu pitsaaliussaaq,
- assigiinngisitaanermik peqataatitsinermillu siuarsaassaaq,
- sulinermi inuunerup aamma ilaqutariittut inuunerup oqimaaqatigiissinnissaannik tapersersuissaaq,
- sulisussarsiornermut, ineriartornermut suliffeqarnikkullu naligiimmik periarfissaqartitsinissamik qulakkeerinnisaaq,
- aqutsisuni aalajangiisarfiusunilu assigiinngisitaartuunissamik siuarsaassaaq, kiisalu
- Royal Arctic Linep inuiaqatigiinnut anguniagaanik tapersersuissalluni.

Nassuiaatit

- **Naligiissitaaneq:** Sulisunut tamanut atuuttumik naligiimmik pisinnaatitaaffeqarneq, periarfissaqarneq pinninnissarlu – suaassuseq, ukioqqortussuseq, kingoqqiffik, innarluuteqarneq, upperisaaq, kinguaassiuutitigut sammivik, politikikkut isiginnittaaseq imaluunniit inooqataanikkut qanoq tunuliaqutaarneq apeqqutaatinnagit.
- **Assigiinngisitaaneq:** Inuit akornanni assigiinngisutsit, soorlu suaassutsikkut, ukioqqortussutsikkut, kulturikkut, ilinniagaqarnikkut, inuunermi killiffigisatigut, misilittagaqarnikkut, upperisaqarnikkut, qanoq oqaaseqarnikkut, innarluuteqarnikkut aamma inuttut qanoq pissuseqarnikkut.
- **Peqataatitsineq:** Avatangiisinik kikkulluunniit ataqqineqartutut, tusaaneqartutut ataqqinnittumillu pineqartutut misigiffigisaannik pilersitsinissamik pimoorussilluni sulissuteqarneq.
- **Assigiinngisitsineq:** Inuk pissutsit illersugaasut pissutigalugit allanit ajornerusumik pineqartillugu.
- **Nakkarsaaneq aamma kinguaassiuutitigut peqqusiileqisitsineq:** Kissaatiginngisamik pissusilersorneq sunaluunniit, inuup ataqqinassusianik innarliisoq sulinermiluunniit avatangiisinik toqqissisimananngitsunik pilersitsisoq.
- **Tarnikkut allaanerusumik pissuseqarneq:** Inuk, paasissutissatigut, maluginiutitigut pissusilersornikkullu amerlanerussuteqartunut naleqqiullugu tarnikkut allaanerusumik pissuseqartoq, ass. austismemik, ADHD-mik, ADD-mik nappaateqartoq imaluunniit assingusumik ilikkarsinnaassutsikkut allaanerussuteqartoq.

Immikkoortortaqaarfik: Sulisoqarnermut immikkoortortaqaarfik	Immikkoortortaqaarfik: Sulisoqarnermut immikkoortortaqaarfik	Versioni una akuerineqarpoq: 03.12.25 Version: 2.0
--	--	--

- **Ersinngitsumik innarluuteqarneq:** Timikkut tarnikkulluunniit piginnaasanikinneruneq, allanit imaaliallaanaq takuneqarsinnaanngitsumik – ass. anigorneqarsinnaanngitsumik anniaatit, tarnikkut nappaatit, sukkorneq imaluunniit gigterneq.

Politikki

Ataqqeqatigiinneq, naligiinneq aamma akuersaanngilluinnarneq

Royal Arctic Line assigiinngisitsinermut, pimmatiginninnermut, nakuusernermut, nakkarsaanermut kinguaassiuutitigullu peqqusiileqisitsinermut akuersaanngilluinnarpoq.

Sulinermi avatangiisit toqqissisimanartut, ataqqeqatigiiffiusut peqataatitsisullu, assigiinngissutsit nukittussutsit pingaartinneqarfigisaat eqeersimaartumik sulissutigivagut.

Iliuutsit sulisup naleqassusianut innarliisut politikimik matuminnga suliffeqarfiullu naleqartitaanik unioqqutitsinertut ilungersunartutut isigineqassapput.

Sulisussarsiortarneq atorfinitsitsisarnerlu

Sulisussarsiortarneq peqataatitsisuusaaq, kinaassusersiortuunani equngassuteqartuunanilu.

Sulisussarsiorluni allagarsiusat suaassusersiunngitsuussapput siammasissumik saaffiginnittussanngorlugit.

RAL assersuutigalugu naartuneq, ilaqtariinni pissutsit, upperisaq imaluunniit kinguaassiuutitigut sammiveqarneq pillugit paasisutissanik pissarsiniaqqusaanngilaq atueqqusaananilu, tamanna tungavilersorluakkamik pisariaqartinneqanngippat.

Piginnaaneqarfinnik naligiittoqartillugu, suaassutsikkut, ukioqqortussutsikkut tunuliaqutarisatigullu oqimaaqatigiissagaanerusumik katitigaanissaq, inuiaqatigiinni kalaallini assigiinngisitaarnermut naapertuuttoq, sulisussarsiornermi tapersersorneqarsinnaavoq.

Akissarsiaqarneq, ineriartorneq aamma suliffeqarneq

Akissarsiat sulinermilu atugassarititaasut tungavissiat kinaassusersiorfiunngitsut aallaavigalugit aalajangersarneqassapput soorlu piginnaaneqarfiit, akisussaaffeqarneq naammassisaqartarnerlu.

Sulinermut assigiimmik naleqartumut naligiimmik akissarsiaqartitsinissaq aamma ineriartornissamut atorfeqarnikkullu qaffatsitaanissamut naligiimmik periarfissaqarnissaq qulakkiissavartut.

Sulisup inuunerup killiffigisaani tamani piginnaasaminik ineriartortitsinissaa aqutsisut tapersersussavaat ilinniarnullu aamma ineriartornerup suaassutsit, ukioqqortussutsit atuuffigisallu akimorlugit ingerlanneqarnissaat qulakkeerlugu.

Sulinermi inuuneq, ilaqtariittut inuuneq aamma inuunermit killiffigisat

Sulisup pisariaqartitaata inuunerup ingerlanerani allanngortarnerat Royal Arctic Linep ataqqivaa.

Sulisut inuunerup killiffigisaani tamani tapersersortarpagut – tassunga ilanngullugit angajoqqaat mikisunik qitornallit, arnat aaqassaarfiminni inissisimasut aammalu utoqqalilersut – sulinermilu inuunerup aamma suliffiup avataani inuunerup oqimaaqatigiissinnissaat eqeersimaartumik sulissutigiarput.

Naartuneq, ernereerluni sulinngiffeqarneq, meeravissartaarneq aamma assigiimmik pinninnissaq pillugit inatsisit atuuttut suliffeqarfimmit malinneqarput, sulisullu naartunertik, angajoqqaajunertik, aaqassaarfiminni inissisimanertik, ukioqqortussusertik imaluunniit peqqissusertik pissutigalugu ajornerusumik pineqannginnissaat qulakkeerneqarluni.

Immikkoortortaqarfik: Sulisoqarnermut immikkoortortaqarfik	Immikkoortortaqarfik: Sulisoqarnermut immikkoortortaqarfik	Versioni una akuerineqarpoq: 03.12.25 Version: 2.0
--	--	--

Naammagittaalliuit, suliarinnineq aamma malitseqartitsineq

Sulisoq kinaluunniit assigiinngisitsinermik, immikkoortitaanermik, pimmatiginninnermik, nakuusernermik imaluunniit nakkarsaanermik nalaataqartoq aqutsisuminut qaninnermut, sulisut sinniisaannut imaluunniit Sulisoqarnermut immikkoortorta qarfirmut isertuussamik saaffiginnissinnaassaaq. Suli at isertuussamik suliarineqassapput pillaa millu akiniarneqarnissamut aarlerinaateqanngitsumik.

Uppernarsaasiornissaq, malitseqartitsinissaq suliallu ilinniarfigineqarnissaat Sulisoqarnermut immikkoortorta qarfirmut akisussaaffigineqarpoq, misilittakkat sulinermi avatangiisit kulturillu pitsanngorsarneqarnissaannut atorneqarnissaat qulakkeerniarlugu.

Nalunaarusiortarneq nalilersuinerlu

Suiaassutsit oqimaaqatigiinnerisa, akissarsiatigut assigiinngissutaasut, ukioqqortussutsikkut agguataarsimanerup sulisullu atugarissaarnissaasa ineriartorfiunerat Royal Arctic Linep ukiumoortumik malittareqqittarpaa. Angusat ESG-mut tunngasunik nalunaarusiornerup ilaatut nalunaarusiarineqartarput.

Siulersuisunit akuerineqarpoq decembarip pingajuani 2025.

Immikkoortorta qarfik: Sulisoqarnermut immikkoortorta qarfik	Immikkoortorta qarfik: Sulisoqarnermut immikkoortorta qarfik	Versioni una akuerineqarpoq: 03.12.25 Version: 2.0
--	--	--